



"REGIONALNA DEPONIJ A MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: deponija@rdm.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-86/25
Zenica: 19.02.2025. godine

Na osnovu člana 69. stav (2), tačka d), i člana 70. stav (1) i (4) Zakona o javnim nabavkama („Službeni glasnik BiH, broj 39/14, 59/22 i 50/24), člana 35. Statuta Privrednog društva "REGIONALNA DEPONIJ A MOŠĆANICA" d.o.o. Zenica a na preporuku Komisije za javnu nabavku, imenovane Odlukom, broj: 02-33/25 od 23.01.2025. godine u otvorenom postupku nabavke "Servisiranje radnih mašina Caterpillar", direktor Privrednog društva "REGIONALNA DEPONIJ A MOŠĆANICA" d.o.o. Zenica (u daljem tekstu: Ugovorni organ) donio je:

O D L U K U
o poništenju postupka javne nabavke za
Servisiranje radnih mašina Caterpillar

Član 1.

Prihvata se preporuka Komisije za javnu nabavku, broj: 02-85/25 od 19.02.2025. godine i poništava se postupak javne nabavke za "**Servisiranje radnih mašina Caterpillar**", zbog činjenice da u dostavljenoj ponudi u natječaju ponuđena cijena prelazi planirana, odnosno osigurana novčana sredstva ugovornog organa za nabavku.

Član 2.

Ova odluka objavit će se na web-stranici Ugovornog organa (www.rdm.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Član 4.

Stavlja se van snage odluka o izboru najpovoljnijeg ponuđača i dodjeli okvirnog sporazuma za nabavku Servisiranje radnih mašina Caterpillar broj 02-80/25 od 17.02.2025. godine.

O b r a z l o ž e n j e

Postupak javne nabavke "Servisiranje radnih mašina Caterpillar" za potrebe Ugovornog organa pokrenut je Odlukom o pokretanju postupka javne nabavke, broj: 02-32/25 od 23.01.2025. godine. Javna nabavka je planirana u Planu javnih nabavki za 2025. godinu i evidentirana je u istom pod rednim brojem 3. Procijenjena ukupna vrijednost javne nabavke je 150.000,00 KM bez PDV-a. Okvirni sporazum se zaključuje na period od najviše tri (3) godine odnosno do iskorištenosti procijenjene vrijednosti javne nabavke, u ovisnosti od toga koji se od ova dva uslova prvi ispuni.

Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 23.01.2025. godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-1-1-20-3-9/25.

Komisija za javnu nabavku imenovana je Odlukom direktora Ugovornog organa, broj: 02-33/25 od 23.01.2025. godine.

Dana, 17.02.2025. godine Komisija za javnu nabavku dostavila je Zapisnik o ocjeni ponuda, broj: 02-79/25 od 17.02.2025. godine, te dodatak na Zapisnik o ocjeni ponuda broj 02-85/25 od 19.02.2025. godine u postupku javne nabavke "Servisiranje radnih mašina Caterpillar".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da je ukupno dostavljena jedna (1) ponuda,
- da je blagovremeno zaprimljena jedna (1) ponuda,
- da nije bilo neblagovremeno zaprimljenih ponuda,

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njene validnosti s obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponude a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama i svim pripadajućim podzakonskim aktima.

Na osnovu toga, Komisija za javne nabavke je utvrdila da je dostavljena ponuda ponuđača Teknoxgroup BH d.o.o. Sarajevo koja se odnosi na kompletnu lager listu rezervnih dijelova ali da je ponuđena cijena u iznosu od 18.354.826,75 KM bez PDV-a te shodno tome prevazilazi procijenjenu vrijednost javne nabavke od 150.000,00 KM bez PDV-a.

Na osnovu toga, u skladu sa članom 2. tačka l) alineja 2. Zakona o javnim nabavkama ova ponuda je neprihvatljiva.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 69. stav (2), tačka d), Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.



Direktor

Mia Pojskić
Mia Pojskić dipl.oec.,cr.,cir.

Dostaviti:

1 x Teknoxgroup BH d.o.o. Sarajevo

1 x Web stranica: www.rdm.ba

1 x a/a